

Staf UTHM maut motosikal dilanggar kereta

S#
10/2/2015 *es*

BATUPAHAT - Seorang staf Universiti Tun Hussein Onn Malaysia (UTHM) maut terlibat dalam kemalangan di Kilometer 19, Jalan Kluang-Batu Pahat, kelmarin.

Dalam kejadian yang berlaku jam 9 malam itu, motosikal ditunggang mangsa, Zalkapli@Zulkifli Ahmad, 47, dirempuh kenderaan lain dari arah bertentangan di simpang empat UTHM yang mempunyai lampu isyarat.

Ketua Polis Batu Pahat, Asisten Komisioner Din Ahmad berkata, mangsa yang datang dari arah Parit Raja memberhentikan motosikal apabila lampu merah dan memasuki simpang apa-

bila lampu bertukar hijau.

"Bagaimanapun, dia dilanggar sebuah kereta Proton Exora yang meluru laju dari arah Batu Pahat yang gagal mengelak mangsa.

"Mangsa yang menunggang motosikal jenis Honda EX5 tercampak beberapa meter daripada lokasi dan mengalami cedera parah di beberapa bahagian anggota badan.

"Mangsa meninggal di tempat kejadian dan mayat dibawa ke Hospital Sultanah Nora Ismail (HSNI) untuk dibedah siasat dan tindakan selanjutnya," katanya.

Menurutnya, pemandu kereta terbabit tidak meng-

“ Bagaimanapun, dia dilanggar sebuah kereta Proton Exora yang meluru laju dari arah Batu Pahat yang gagal mengelak mangsa. Mangsa yang menunggang motosikal jenis Honda EX5 tercampak beberapa meter daripada lokasi dan mengalami cedera parah di beberapa bahagian anggota badan.” - Din

alami sebarang kecederaan dan motosikal mangsa remuk di bahagian hadapan.

Katanya, siasatan menyeluruh akan dilakukan dan pihaknya meminta orang ramai supaya lebih berhati-hati ketika memandu di jalan raya.

"Orang ramai dinasihatkan supaya dapat berhati-hati ke-

tika memandu dan perlu mematuhi peraturan yang telah ditetapkan, seperti tidak memandu terlalu laju sehingga membahayakan pengguna jalan raya lain," katanya.

HEBAHKAN
AKTIVITI KOMUNITI ANDA
emel: mohd.hanafiah@sinarharian.com.my



Keadaan motosikal mangsa yang remuk setelah terlibat dalam kemalangan.